



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Martini Lvtheri Piae Ac Doctae Operationes In Dvas Psalmorvm Decades

Luther, Martin

Basileae

VD16 L 5540

Susceperunt me sicut leo paratus ad prædam, Et sicut catulus leonis  
habitans in abditis.

**urn:nbn:de:hbz:466:1-37005**

fiducia & cogitatio & sermo impiorum, ubi sese multitudine magnorum; uis  
derint munitos, aduersus pauperem paucum & humilem. d. **Es ist nun ge-**  
**schoben/ es ist auß.**

Nec uideo, quod aduerbium, Nunc, possit aliud q̄ dixi hoc loco facere, cum  
enim futurā reciter, immo deprecetur uim & dolum, ut satis liquet, nō pot̄ prae-  
sentem significare, nisi q̄tum est in opinione & praesumptione illorū, ideo in-  
fra peret, praeterniri impium, Reuera enim, nisi deus praeniret, idem esset, ac  
si praesens esset, quae tam certa futura omnium sensu apparet.

Quo modo noster, cum suo, proficientes me, huic consonet ignoro, nisi ue-  
limus dicere, incedentes illos, praes nimia securitate habere populum dei, pro-  
reproiectili, quae scilicet & facile & uiliter proficitur foras, sicut Apostolus se,  
ipsum, peripsima & purgamentū huius mundi appellat. ij. Cor. iij. Et certe ui-  
detur Dauid hunc psal. ex historia sua hausisse. j. Reg. xxiiij. ubi Saul cū Zi-  
pheis ad desperationem usq̄ persecutus est, & figuram uertisse in prophetia,  
uerba enim pulchre quadrant.

Oculos suos posuerunt declinare in terra.

Id ego intelligerem, de respectu personarum dictū, ut esset querimonia  
p̄i populi, super impios, pertinaciter inhaerentes personis, alta sapientes, &  
humilia contemnent, contra praecceptum domini, Exo. xxij. Non sequeris  
turbā, ad faciendū malū, nec in iudicio plurimorū ac quiesces sententiā, ut a ue-  
ro deues. Nō, ergo oculos suos in simplicem ueritatis causam dirigūt, sed de-  
clinabiles & sequaces praebent, in omnem uoluntatem magnatum & multo-  
rum, qui dominantur in terra. Est ergo sensus: Me iam uictum arbitrantur, &  
contempta causa, eo spectant & illuc oculos intendunt, ubi adeps eorum clau-  
ditur, quicquid illi moliuntur, hoc rapit & ducit eorum oculos, huic annuūt  
& applaudunt. Et in hoc pertinaces sunt, quia posuerūt & statuerunt ita decli-  
nabiles habere, penitus auersi a causa ueritatis, tanq̄ deo obsequiū praebituri.

Addit autem, in terra, quod non ad oculos, sed ad causas referri debet, un-  
de ego uerti, ad declinationes in terra. i. terrenas. Hoc est sequuntur ad nutum  
magnarum in terra, & quo illi declinant & intendunt, eo & ipsi declinant, ob-  
liti omnium caelestium mādatorum dei, declinationes terreas & terrena sapi-  
entium pertinaciter sequuntur, ideo frustra monentur, frustra rationem red-  
do, frustra oro, mouentur magis adipe suo q̄ meis uerbis: Quare non est reli-  
quum, nisi ut ad te confugiam, qui recte iudicas.

Susciperunt me sicut leo paratus ad praedam,

Et sicut catulus leonis habitans in abditis.

Manifestus lapsus interpretis, quia heb. non habet. Susciperunt me, sed. Si  
militudo eius, non enim hoc psalmo agit de cōprehensione, sed de conatu im-  
piorum, quo uellent pios esse extinctos. Vnde Hierony. Similitudo eius sicut  
leonis desiderantis praedam, & quasi catuli leonis sedentis in occultis. Et pater  
sensus facili, quem & psal. x. habuimus, Insidiatur in abscondito, sicut leo in  
spelunca sua. Vbi, sicut & hic, Insidia & obseruationes crudeles impiorum ac-  
cusant. Dictum est enim, abdita ista esse ea quae arte & dolo abduūt, ut capi-  
tur simplices & p̄i. Vere pulchra & apta similitudo, quia sicut leo obseruat ut  
corporaliter occidat aialia, ita impius Magister, ut animas perdat, omnia tētat,  
& hunc uersum Christus Matth. vij, sic exponit, attēdite a falsis p̄phetis, qui  
ueniunt ad uos in uestimentis ouium (ecce insidia in occultis) intus autē sunt

Gg iij lupra

lupi rapaces. Ita uidemus, psalmum nō loqui de persecutiōe tyāica, sed in priorū, quæ plurimos seducit in perditionem, simul tamē si eis resistatur, minuitur, & si possunt, etiam occidunt sanctos dei, ueruntamen, maior est superbia & arrogantia Moab, q̄ fortitudo eius, pluraq; cupit q̄ potest, sicut ibidem est dictum.

Exurge domine, præueni eum, supplantam eum, eripe animam meam ab impio, frameam tuam, ab inimicis manus tuæ.

Vix est locus in psalterio æque obscurus ac iste, mea sententia, etiam in hebraico, nobis autem accedit, primum obscurior translatio, deinde & distinctiōnis confusio, quare uersum hunc ad hebraicam distinctiōnem reuocemus, authore Hierony, sic Surge domine, præueni faciem eius, incurram eum, salua animam meam ab impio, qui est gladius tuus, Patet ergo, ab inimicis manus tuæ ad sequentem uersum pertinere, & frameam tuam, male in accusatiuo reditum, male ad animam meam, referri, cum ad impium referendum sit, q̄, si cui animam suam alicui frameam libeat appellare, suus ei sensus non pertinaciter negabitur.

Dicit ergo, cum lupi isti rapaces omnia tentent & multos magnosq; habeant adiutores, ut impossibile sit nos paucos illorum machinas sustinere aut euadere, aliud nō habemus q̄ ut ad te oculos leuemus, ut tu exaudiens, anteuertas eum & nos cautos prudentesq; spiritu tuo reddas, quo cogitationes mortiferas eius uitemus, ac sic ubi uenerit incurues eum per nos paratos & nos triumphes super eum, nec enim sic præuenit & supplantat deus, ut non sit impius, sed ut non noceat, sicut non aufert basiliscum & draconem, sed tamē dat super eos ambulare & conculare, psal. lxxxix. Non tollit tentationem, sed non inducit in tentationem. Sic Ephesios Paulus docet, esse debere armatos galea salutis, scuto fidei, gladio spiritus & calceatos pedibus, præparatione Euangelij.

Magistri falsi  
si plaga dei.

Salua seu eripe animam meam ab impio, qui est framea tua. Hic signandus locus, Hæreticos & falsos Magistros, esse plagam iræ diuinæ, nō secus ac olim populi carnalis, plaga erat gladius carnalis gentium in circuitu eorum, ideoq; magis oratione humili apud deum, plaga auertenda, & deus placandus q̄ uiribus ingenij aut eruditionis, cum eis congregiendum, ut uictoria sit dei miserentis prouocati nostris lachrymis, non nostrorum operum, non enim nostrum est animam nostram ab impijs istis saluare, quanto minus eos superare, ut hic dicit. Eripe animam meam ab impio, q̄ si oratione hac contempta, uiligne & cōtumeljs eos inuaserimus (sicuti hodie fit) dubiū non est, inuadores esse bis hæreticos & incomparabiliter peiores ijs, quos inuadunt, quia iram dei, suis conuictijs, suaq; uil & mera superbia inuadūt, qua insania, quæ pōt esse maior.

Impius est  
dei gladius.

Observa autem uocabuli atrocitatem, q̄ impium appellat, gladium dei, Virga enim aut baculus mitior ira est, uirga percutit & animam liberat ab inferno, ut Salomon dicit, unde ex magna misericordia psal. lxxxvii, dicit. Visitabo in uirga iniquitates eorum, & in uerberibus hominum peccata eorum. At gladius occidit & separat animam, Et ut magnus est deus, ita magnus est gladius eius. Et magnus gladius magnos & plurimos perdit.

Persecutio  
nes Ecclesie.

Ecclesia sane primitiua, percussa est frequētius paterna uirga, rarius gladio, eratq; facies illius percussio in oculis carnis, duriss. & asperrima, sed reuera & in oculis dñi, mitissima omnium. Secura est postea hæreticorum persecutio, quæ uisa